



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1509380
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

18 օգոստոսի 2020թ.

ք. Երևան

(կազմման վայրը)

Ակտի հասցեագրեր

«ՑԱՐԻՑԻՆՈ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	0	1	1	3	7	9	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Ք. Երևան, Ն. Զարյան փ. 74շ. 154բն.

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 09.07.2020թ-ի թիվ 1509380 որոշման համաձայն «Ցարիցինո» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 20.07.2020թ-ին ժամը 09:40-ի սահմաններում, «Մերսեդես Բենց» մակնիշի 077 ՕՊ 05 հաշվառման համարանիշի ավտոմեքենան դուրս է եկել ընկերության ք. Երևան, Արին-Բերդի 10/4 արտադրական տարածքից և ժամը 11:25-ի սահմաններում կայանվել է ք. Ապարան, Բաղրամյան 38, հասցեի հարևանությամբ, որից հետո ժամը 11:30-ի սահմաններում նույն հասցեում գործող «Հայկ-Ահարոն» ՍՊԸ-ին (ՀՎՀՀ՝ 05204203) պատկանող մթերային խանութին մատակարարել է ընդհանուր 17.140 ՀՀ դրամ արժողությամբ 48 տուփ հավի նրբերշիկ՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 17.140 ՀՀ դրամ արժողությամբ ապրանքների մատակարարման համար ընկերության կողմից 20.07.2020թ-ին ժամը 11:30-ի դրությամբ դուրս գրված չի եղել համապատասխան ուղեկցող փաստաթուղթ: Նշված մատակարարման վերաբերյալ ընկերության կողմից Ա5845669233 հարկային հաշիվը դուրս է գրվել ժամը 11:47-ին (փաստացի իրականացված մատակարարումից 17 րոպե անց):

Վերոգրյալը հաստատվել է «Հայկ-Ահարոն» ՍՊԸ-ի աշխատակից Մարիամ Արշակյանի կողմից 20.07.2020թ-ին տրված գրավոր հայտարարությամբ:

Թիվ 1509380 արձանագրությամբ 20.07.2020թ. հարուցվել է վարչական վարույթ: Կողմը, պատշաճ ծանուցված լինելով, ներկայացրել է գրություն այն մասին, որ ընկերության առաքիչ Ֆելիքս Հակոբյանը վերոնշված մատակարարումը կատարելուց հետո ժամը 11:33-ին Viber հեռախոսային ծրագրի միջոցով ընկերության հաշվապահին տեղեկացրել է կատարված մատակարարման մասին հարկային հաշիվ դուրս գրելու նպատակով: Այնուհետև Ֆելիքս Հակոբյանը ժամը 11:34-ին դիմացինի կողմից ստացել է հրահանգը ընդհուներևելու վերաբերյալ «ok» պատասխանը, սակայն ներքին աշխատանքային գործընթացի ծանրաբեռնվածության պատճառով հաշվապահին չի հասցրել նույն պահին դուրս գրել հարկային հաշիվ և (Ա5845669233 հարկային հաշիվը) դուրս է գրել ժամը 11:47-ին: Կողմը հայտնել է նաև, որ ընկերությունը օրենքի խախտման կամ շրջանցման միտում չի ունեցել և նախկինում «Հայկ-Ահարոն» ՍՊԸ-ին կատարված մատակարարումների համար դուրս են գրվել համապատասխանաբար՝ Ա8969851189, Ա5435985534, Ա1615968470, Ա8096518289 հարկային հաշիվները: Վարչական ակտի հասցեատերը ներկայացրել է նաև դուրս գրված հարկային հաշվի պատճեն, Viber հեռախոսային ծրագրի միջոցով իրականացված հաղորդակցության Screenshot-ը և խնդրել է նշված դեպքը դիտարկել, որպես աշխատանքային գործընթացի բնականոն ընթացքի հետևանք, այլ ոչ թե օրենքի միտումնավոր խախտում: Գործում առկա չեն այլ լրացուցիչ ապացույցներ, չեն ներկայացվել միջնորդություններ:

Համաձայն ՀՀ հարկային օրենսգրքի 56-րդ հոդվածի 4-րդ մասի՝ հաշվարկային փաստաթղթերը դուրս են գրվում ապրանքը մատակարարելու, աշխատանքի կատարումն ավարտելու (այդ թվում՝ ըստ պայմանագրով նախատեսված փուլերի) և (կամ) ծառայության մատուցումն ավարտելու (այդ թվում՝ ըստ պայմանագրով նախատեսված փուլերի) պահին, բացառությամբ սույն հոդվածի 8-րդ և 8.1-ին մասերով սահմանված դեպքերի, իսկ բեռնագիրը դուրս է գրվում մինչև ապրանքի տեղափոխությունը:

Միևնույն ժամանակ համաձայն ՀՀ Հարկային օրենսգրքի 38-րդ հոդվածի 1-ին մասի, եթե Օրենսգրքով կամ սույն հոդվածով այլ բան սահմանված չէ, ապա ապրանքի մատակարարման պահ է համարվում սույն մասում նշված առավել վաղ առաջացող պահը. 1) այն պահը, երբ ապրանքը հանձնվում է այլ անձի, բացառությամբ այն դեպքերի, երբ ապրանքի նկատմամբ սեփականության իրավունքը, ապրանքի մատակարարման պայմանագրի համաձայն, այլ անձի է անցնում այլ պահի, որի դեպքում ապրանքի մատակարարման պահ է համարվում այդ պահը, կամ 2) այն պահը, երբ առաքված ապրանքն ընդունում է այլ անձը, բացառությամբ այն դեպքերի, երբ ապրանքի նկատմամբ սեփականության իրավունքը, ապրանքի մատակարարման պայմանագրի համաձայն, այլ անձի է անցնում այլ պահի, որի դեպքում ապրանքի մատակարարման պահ է համարվում այդ պահը:

Տվյալ դեպքում վարչական վարույթն իրականացնող մարմինը հաստատված է համարում ընկերության կողմից առանց համապատասխան ուղեկցող փաստաթղթերի մատակարարում իրականացնելու փաստը, նկատի ունենալով, որ արձանագրությունում նշված ապրանքները գնորդ ընկերությանը հանձնելու պահին ընկերության կողմից դուրս գրված չի եղել հարկային հաշիվ:

Այսպիսով, «Ցարիցինո» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) տեղափոխումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի բ) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների տեղափոխման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «Ցարիցինո» ՍՊԸ-ի կողմից խախտումը վերջին 1 տարվա ընթացքում կատարվել է չորրորդ անգամ (ՀՀ ՊԵԿ իրավաբանական վարչության 10.10.2019թ-ի թիվ 1506328, 14.01.2020թ-ի թիվ 1507524 և 20.04.2020թ-ի թիվ 1508231 վարչական ակտեր): Ապրանքների ընդհանուր գումարը կազմում է 17.140 ՀՀ դրամ, որի 200 տոկոսը կազմում է 34.280 ՀՀ դրամ, ուստի օրենսդրական պահանջից ելնելով «Ցարիցինո» ՍՊԸ-ի նկատմամբ կիրառելի է 1.000.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Ցարիցինո» ՍՊԸ-ին գանձման առաջադրել 1.000.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	1.000.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 4 էջ

տնօրեն Սերյոժա Ապրիկյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատերի նշումով) իրավաբանական անձի գործադիր
մարմնի ղեկավար (գրագրության ընդունման համար
պարասխանագրու անձ՝ հաշվով առաքման դեպքում)

ստորագրությունը

2020թ.

(նշում ակտը ստորագրելուց և (կամ) ստանալուց հրաժարվելու մասին)